

Privilegium.

Wir Maximilian von Gottes
gnaden Erwölter Römischer Keyser/zü allen zeyten me-
rer des reichs in Germanien/zü Hungern/Dalmaciē/
Croaciē zc. König/Erzherzog zü Osterreich/Hertzog zü
Burgunde/zü Brabant vnd Pfaltzgraff zc. Bekennent
Als der Erfam vnser vn̄ des Reichs/lieber getrewer Eu-
charius Köflin doctor d̄ Erzney/etlich tractat vn̄ pū-
cher/dem gemeinē nutz/Vn̄ sonderlich den schwangeren
frawen vnd iren Neugeborenen kinden/zü fürdrung vnd
güttem gemacht/vnd trucken vnd v̄sgön zü lassen wil-
lens ist. Das wir im demnach/dise besunder gnad vn̄ fry-
heit gethon vnd gegeben haben/thun vnd geben ime die
auch hie mit wissentlich/in krafft diß brieffs/Also dz nie-
mands In was würdē/stands oder wesens der sey/die sel-
ben pūcher In sechs iaren den nechstē/nach datū diß vn-
sers Keyserlichē brieffs volgend/die nit nachtrucken/Vn̄
ob die v̄sserhalb des heiligen Reichs vnd in frembdē Na-
tionen/teutschen oder andren gezungen/gedruckt wur-
dent/Die selben in dem heiligen reich nit feyl haben/ver-
kauffen oder vertreiben solle/Vnd gebieten daruff allen
vnd yeglichen Churfürsten/fürsten/geistlichē vnd welt-
lichen/Prelaten/Grauen/Fryen/Herren/Rittern/Kne-
chten/Hauptleuten/Vitzumben/Vögten/Pflegern
verwesern/Amptleuten/Schultheissen/burgermeistern
Richtern/Rhäten/burgern/gemeindē/Vnd sunst allen
andren/Vnsern vnd des Reichs vnderthanē vnd getre-
wen/in was würdē/stats oder wesens die seyen/ernstlich
mit disem brieff/Vn̄ wöllend das sie den genantē doctor
Eucharius/bey solcher vnser fryheit/handthaben/schu-
zen vnd schirmend/Vn̄ die berürtē pūcher/dar vber nit
trucken/feyl haben od̄ verkauffen lassen/Sollichs auch

Der Frauen

allenthalben in yren fürstentumben/Landen/stettē her//
schafften/vnd gebieten zū thun bestellē/Als lieb als einē
yeglichen sey vnser vnd des Rychs schwer vngnad vnd
straff/vnd darzū ein peen/Nemlich zehen marc lötigs
golds zū vermyden/die ein yeder/so wider diß vnser frey//
heit/die pücher trucken/seylhabē oder verkauffen würde
so oft das beschehe/vns halb in vnser Kāmer/vnd dē an//
dren halb theil/dem gemelten doctor Eucharis vnab//
lößlich zū bezalē verfallē sein solle/mit vzkund diß briefs
Geben in vnser vnd des heiligen Reichs stat Cōln am
vier vnd zweintzigsten tag des monats Septēber/nach
Christi geburt fünffzehēhundert vñ im zwölfften/vnser
Reiche des Rōmischen im syben vnd zwentzigsten vnd
des hungerischen im drey vnd zweintzigstē Jaren.

Per regem
per se.

Ad mandatū domini Impe
ratoris propriū.

Sernteiner.

Rosergarten

